

سدر اوباما دے بنائے ہوئے پبلک ہیلتھ قانون بارے سپریم کورٹ دے فیصلے دا امریکہ وچ بہت بیتابی نال انتظار ہو رہیا سی۔ جون ۲۸ نوں امریکہ دی سپریم کورٹ نے اپنا فیصلہ دے کے اس قانون نوں پروان کر لیا ہے۔ امریکہ دے سماج دی چال نوں گھوکھن والیاں لئی ایہ فیصلہ کوئی حیرانی والا نہیں سی۔ اوناں دا پہلاں ہی اندازہ سی کہ سپریم کورٹ اس قانون نوں پروان کر لئیگی۔

اس قانون دے آسرے اوباما حکومت ہن عرباں کھرہاں ڈالر بیمہ کمپنیاں دے حوالے کر دیویگا۔ اک جائزے مطابق سرکاری خزانے وچوں ۵۰۰ بلین ڈالر بیمہ کمپنیاں نوں دتا جاویگا۔ ظاہر ہے کہ بیمہ کمپنیاں وی اس قانون دے پاس ہون تے بہت ہی خوش ہن۔ دسیا جاندا ہے کہ بیمہ کمپنیاں نے سینکڑے ملین ڈالر اس قانون نوں پاس کراؤن لئی لائے سی تے بیمہ کمپنیاں نے اک اک کانگرسمین جاں سینیٹر نوں قابو کرن لئی چار چار لوویسٹ لائے ہوئے ہن۔

کہندے ہن کہ امریکہ وچ ۵۰ ملین لوکاں کول صحت دا بیمہ نہیں آتے تقریباً ۱۰۰ ملین لوکاں کول دندان دے علاج لئی کوئی بیمہ آتے سہولت نہیں۔ اس فیصلے دے بعد ہن انہاں سبہناں نوں وی بیمہ خریدنا پویگا نہیں تاں سرکار اوناں نوں ڈنڈ لائے گی۔ بیمہ کمپنیاں اس فیصلے تے کچھاں و جا رہیاں ہن۔ پچھلے کجھ مہینیاں وچ میڈیئے وچ بہت رولا پایا ہویا سی کہ اس قانون دا کیہ بنیگا۔ قیاس لائے جا رہے سی کہ شاید کنزرویٹو چیف جسٹس آتے ہور جج اس قانون نوں خارج کر دینگے آتے چار لیبرل جج اس دی حمایت کرن گے۔ پر بیمہ کمپنیاں بالکل بے فکر سن۔ اوناں نوں پتہ سی کہ اوناں دے حکم تے عدالت نے مہر لاؤئی ہی لاؤئی ہے۔

ایہ فیصلہ اک بار فر صاف کردا ہے کہ امریکہ دی ریاست آتے
اسدے سارے ادارے وڈے سرمائے دی جکڑ وچ ہن آتے اسدا ہر قانون
وڈے سرمائے دا ہی پکھ پوردا ہے لوکاں دا نہیں۔ لوکاں دی منگ ہے
کہ سرکار آتے ریاست لوکاں دی صحت تے پیسہ خرچ کرن۔ وڈے سرمائے
دا حکم ہے کہ سرکار آتے ریاست لوکاں دا خزانہ اوناں دے حوالے
کرے۔ لوکاں دیاں لوڑاں آتے منگاں نوں اک بہانہ بنا کے اوہاما
سرکار، کانگرس آتے عدالت عرباں کھرہاں ڈالر بیمہ کمپنیاں آتے وڈے
سرمائے داراں دے حوالے کرن دا راہ ہی موکلا کر رہے ہن۔

پہلاں وی بُش آتے اوہاما سرکار آتے ریاست نے بینکاں نوں دوالے
توں بچاؤن دے بہانے خزانے توں کئی ٹرلین ڈالر انہاں وڈے سرمائے داراں
دے حوالے کیتے سن۔ اوس ویلے ایہ بہانہ بنایا گیا سی کہ موآشیت
نوں بچاؤن لئی ایہ بہت ضروری ہے۔ پر لوکاں دے قرضے دی پنڈ
ہولی نہیں ہوئی تے اوناں دے روزگار دا کوئی بندوبست نہیں کیتا گیا۔
اس نویں قانون راہیں لوکاں دی صحت دا بہانہ بنا کے بیمہ کمپنیاں
دے منافعے ہور وی ودھائے جائگے۔

صحت دا حق بُنیادی حق ہے۔ وڈا سرمایہ صرف لٹ کھسٹ دے حق،
مُنافاکھوری دے حق، لوکاں دے خزانے لٹن دے حق نوں ہی اصلی
حق سمجھدا آتے تسلیم کردا ہے۔ کنزرویٹو آتے لبرل اس لٹ دے
پسیدار آتے وڈے سرمائے دے سیوادار ہن۔